

15. maj 2019

UPA2019/85

Akiliut atorlugu aningaasartuutit, ilassinninnermut aningaasartuutit kiisalu angalanermut aningaasartuutit ilassutitallit Naalakkersuisutut sulinermut atatillugu aningaasartuutit qaammatit pingasukkaarlugit tamanut takusassiarisalnissaat anguniarlugu Naalakkersuisut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut. Siunnersuut saqqummiunneqassaaq UPA2020-mi.
(Inatsisartunut ilaasortaq Tillie Martinussen, Suleqatigiissitsisut)

Siunnersuuteqartup siunnersuutaanut qutsavingaarput.

Imaattumillu oqaaseqarfigissallungu, ukiuni kingullerni Naalakkersuisut inuiaqatigiit aningaasatigut igerlatsineranni piumasaqaataasaasut sukaterlugit qaammatit pingasukkaalernissaat tapersernartingilarput, Inatsisartut aningaasanut inatsisaata ukiakkut akuerineratingut atungassiissutaasartut malillugit igerlatsisoqartoq qularnaammat.

Aammalu ukiumup aningaasanik atuiffiusup naanerata kingunerisaanik inatsisartut kukkunerisiunermut ataatsimiititaliaata sukumiisumik suliarisarmatigit naalakkersuisoqarfiit ataasiakkaat qanoq atuisimanerat tamakkerlugu akuerineqarsimasut naapertuuttutumik atornerarneri qularnaarumallugit.

Tamannalu Siumumi toqqissisimanartut naammanginartutullu isingaarput allanngortinnissaalu pissutissaqartinnangu, aammalu siunnersuut akuerineqassappat allaffissornikkut annikinnerulersitsiniaagalualuta akerlianik suliarisassat amerliallatsiinnartussaassuvut.

Taamaattumik siunnersuut ilusaatut isikkoqartillu akuerinatingu matumuuna itigartipparput.

Karl-Kristian Kruse, Siumut